

Hozciz: “Yawjbing Iq” Angqhoh Ciet Gozging

9 nyied 28 hauh daengz 29 hauh, Hozciz Si Yizcouh Gih Baujyuzyen guh hozdung angqhoh ciet gozging cawjdaez dwg “loqsiengj yawjbing iq, cingzgamj gyaiez guek laeg”. Gwnz “yawjbing”, gyoengq lwnyez yamqdin hozoiq hoeng giendingh, gyoengqde cingsaenz singjsag, goujhau goksad, naj riu gagsaenq, cienz aen loqsiengj ak bing iq, lijimiz swng guekgeiz、ciengq gohoengz、ginhsu daejniemh daengj lai cungj hozdung, hawj lwnyez lai roxyiuj guekcoj caeuq ciet gozging, dazyinx lwnyez gamjsouh guekcoj maenh’ ak, gikfat gij cingzgamj gyaiez guek、gyaiez ranz gyoengq lwnyez, cau’ ok gij heiqfaenh ngoenzciet cizgiz doxhwnj.

(Bwz Lu/白璐 Hoz Haijdingz/何海婷 Cungh Vujswh/钟舞姿)



▲Gyoengq lwnyez buet gvaq laj guekgeiz gig angqyangz.

Cungh Vujswh ingi

Mungzsanh Yen Guh Hozdung “Ciet Fungsou Bouxguhnaz Cungguek” Caeuq Yayiz Yauzcuz Yangh Ginghci Sevei Hwngfat Ndei

9 nyied 26 hauh, Mungzsanh Yen youq Yayiz Yauzcuz Yangh guh hozdung “ciet fungsou bouxguhnaz Cungguek” caeuq Yayiz Yauzcuz Yangh ginghci sevei hwngfat ndei. Hozdung doenggvaq langhyawj cwngzgoj、yienjheiq、canjnieb doigawj、dijyuz doxdax daengj hingzsik, angqhoh aen daihbet “ciet fungsou bouxguhnaz Cungguek”, baijok Yayiz Yauzcuz Yangh laebbaenz 40 hopbi doxdaeuj gij cwngzgoj ginghci sevei hwngfat.

(Yinz Gez/任婕 Vangz Yigiz/黄誉琦 Cwngh Gingcunh/曾庆春)



▲Ginzung vienjheia. Cungh Gingcunh ingi

Gaiq Daihcib Yienjheiq Cingbinj “Yiengjsouh Minzgoh” Youq Nanzningz Guh Sat

9 nyied 26 hauh, gaiq daihcib yienjheiq cingbinj “yiengjsouh minzgoh” youq Nanzningz Minzgohuz Gozci Yinhyoz Siujcin guh sat, hozdung youz Gvangjsih Vwnzva Caeuq Lijyouz Dingh、Gvangjsih Minzczu Cunghgyau Swvu Veijyenzei cawjbanh, Gvangjsih Minzczu Bozvuzgvanj ciepbanh. Baez yienjheiq neix aeu “doengz souj go ndeu” guh cawjdaez, canghfwen daj Gvangjsih、Gveicouh、Yinznanz sam swngj gih daeuj lij miz vunz rogguek, vih bouxyawj yienjok, ciengq yiengj gij sing gyaendei minzczu doxgiet.

(Se Liengzyij/谢梁雨 Yez Swjlinz/叶梓林 Lij Gvanghyij/李光棚)



▲“Soujhoh feihyiz cienziep gij cingsaenz lauxcangh” haihag dangz daih’ it yenzhag saedguh.

Cawjdaez Vwnzva Hozdung Hwnqguh Suenranz Cingsaenz Caemhmiz Cunghvaz Minzczu · Bien Hocouh Youq Hocouh Haiguh

Mboengqneix, cawjdaez vwnzva hozdung hwnqguh suenranz cingsaenz caemhmiz Cunghvaz Minzczu · bien Hocouh haiguh yizsiz youq Hocouh Minzczu Vwnzva Bozvuzgvanj guh. Hozdung aeu “cauhlaeb suenranz cingsaenz caemh buj bien moq hwngfat” guh cawjdaez, aeu couqmaenh gij eiqsik Cunghvaz Minzczu ranz vunz ndeu guh sienqmeh, laeb langhbaij Cunghvaz conzdungj vwnzva maenhndei、gyauyuz couqmaenh gij eiqsik Cunghvaz Minzczu ranz vunz ndeu、ginzung dijyuz doxdax、nungznieb vwnzva lijyouz yungzhab hwngfat、lijlun yenzgiu daujlun gyauhliuz daengj 5 fuengmienh 12 hangh hozdung vwnzva senhconz gak cuz ginzung gyaiez dingq nyienh yawj haenx.

(Loz Denh/罗添)



▲Canghfwen Gveicouh caeuq Gvangjsih caemh cienga 《Go Duzhid》.